


Tutunlap mi Awewei Ossini

An Ewe King Annuk

Daniel 6:1-28

M Urin an Darius kingen Medes me Persia a okufatiw ewe mwun Babylon, a pwan nieno meinisin ekewe Souemwen menukun chok emon. Ewe mwan Daniel, neun ewe enletin Kot ewe chon angang. 70 ier a noo chon Babylon ra wineni chon Judah iwe ra neunir chon angang, emon advisor ngeni ekewe kingen Babylon. Daniel a fokun itefouno non ewe mwun Babylon, pwe emon mi fokun mirit pworachou me tipetekison. Emon mi murino ewe ngun won. Daniel 5:12; 6:3.



King Darius ese chok amanawa Daniel, nge “apwan ekiekin epwe ewisa pwe epwe emon chon nemenem me tumun non an ewe mwu.” Daniel 6:3. Nupwen ekewe Re MedoPersian ra sinei pwe ewe King a mochen epwe awatei wisan Daniel pwe epwene chon wisen nemenir, ra fokun songongaw me nonowo. Iwe ra fori och raw. Ra fori an ewe king epwe sainei ew annuk pwe non ukukun 30 ran pwe ika ion e iotek ngeni emon kot menukun ewe king iwe repwe monenong non ewe pwangen lion (Daniel 6:7). Mei fokun fat pwe ekei mwan iir mei sinei pwe Daniel emon mwan mi anukunuk non an manawen iotek. Emon mi nikitu ngeni an neun ewe Kot ewe annuk, ewe e apasa pwe resapw pin ngeni emon Kot menukun ii. (Exodus 20:3).

Iwe ekewe soumewen ra kuna Daniel an a iotek ngeni Kot non asamwachon imwan ewe. Nupwen King Darius a sine ewe porous, a fokun sineni pwe a tupuno pusin ren neun kewe souemwen. A sineni pwe chianan ewe chinlap epwene koturunong non ewe pwangen naion iwe a fokun achocho me sotuni me tungor ar resapw nieno Daniel seni ewe annuk mi nikatupwutupw a fen sainei nge ewe annuk ese chiwen tongeni an epwe siwil. Iwe Daniel a koturunong non ewe pwangen naion nge Kot a fokun tumunu Daniel. A tinato emon noun Chon lang pwe epwe pinei awen ekewe naion pwe resap kuu ika ochei Daniel (Daniel 6:22).

Paipel a pwan ereni kich pwe non ekewe ranin soponoon neun Kot ekewe aramas repwe pwan tonong non ew sosot usun chok metei mi fiss. Repwe fokun finata ika meni king ika meni annuk repwe anneasochi ngeni.

Amasowanong masowen ekkei wokisin

1. Mei tongeni Siwil an Kot kewe Annuk?

Luke 16:17 Nge epwe fen mecheres pwe läng me fanüfan repwe _____ mwen eföü mesen makken ekewe allük epwe talüla.

Psalms 89:34 Üsap atai ai _____ ngeni ika _____ eu ai kewe kapas üa apasa ngeni.

Psalms 111:7, 8 An kewe allük meinisin ra nükünük. Ra _____ tori feilfeilachök, Kot a föriir fän allükülük me wenechar.

© 1999, 2010 Amazing Facts, Inc.
All Rights Reserved



SP06

Malachi 3:6 Ngang ewe Samol, Ngang _____ not. "Ngang ewe Samol mi Lapalap, üsap tongeni _____, iei mine ämi mwirimwirin Jakop ousap mochola.

NOTE: An Kot kewe annuk rese tongeni ar repwe ekesiwil. Usun chok Kot ese sisiwil. Fan unungat me non paipel ekewe kingen fonufan ren (Herod, Ahasuerus me Darius) ra fori ark ewe annuk iwe ita ra mochen siwilir nge ese chiwen tufich. Iwe ika pwun an aramas annuk, ese tongeni siwil Iwe pwata chok sipwe ekieki pwe an Kot kewe annuk iir mei sisiwil ekewe Kot a pusin makei ren autun peun. Nengeni sipwe anononii fengeni nefinen Kot me an kewe annuk:

GOD IS

Luke 18:19 Murino
Romans 7:12, Isaiah 5:16 Pin Romans 7:12
Deuteronomy 32:4 JUST Romans 7:12
Matthew 5:48 Unuseech Psalm 19:7
1 John 4:8 Tong Romans 13:10
Exodus 9:27 Pwuung Psalm 19:9
Deuteronomy 32:4 Enlet Psalm 119:142, 151
1 John 3:3 Nimonimoch Psalm 19:8
John 4:24 Ngun Romans 7:14
Malachi 3:6 Ese Sisiwil Matthew 5:18
Genesis 21:33 Nonom feinfeino Chok Psalm 111:7, 8

THE LAW IS

An Kot kewe annuk rese tongeni ekesiwil pokiten ra esisinata usun manawen me nonomun Kot. Ekewe amararen kapas non paipel ra awewei usun Kot iir mei pwan wewe ngeni an kewe annuk. Iwe an Kot kewe annuk, ina usun manawen Kot. Ese tufich ach sipwe siwili ekewe annuk usun chok an Kot ese tongeni siwil.

2. Anongonong won ewe Paipel, Met tipis?

1 John 3:4 Eman mi föri tipis a _____ än Kot allük, pun tipis wewen atai allük.

Romans 3:20 Pun esap wor eman aramas epwe küna pwüing ren an apwönüetä pwüingün ekewe Allük. Nge mine ekewe Allük ra föri, ra _____ ngeni aramas pwe ra tipis

NOTE: Ewe devil a oput ekewe annuk pwe ra aiti ngeni kich pwe sia osupwangen emon chon amanau seni tipis. Romans 4:15 states: “pwun ika ese wor annuk iwe eseor tipis” Ewe annuk ese tongeni amanawa kich nge a wisen pwari ngeni kich usun unusechun Kot me ach tipis.

3. Meni annuk 1 Jn 3:4 e kapas usun?

Romans 7:7. Iwe, met sipwe üra? Sipwe apasa pwe ewe Allük mi tipis? Apwi, esap fokun ina usun! Nge ewe Allük a amefi ngeniei met wewen tipis. Pun _____ usun mochenia are ewe allük esap apasa, “Kosap mochenia ngeni pisekin eman.”

NOTE: An Kot kewe annuk e apasa, “Kosapw mochenia.” Iwe ach atai an Kot kewe 10 annuk e pusin makei ren autun peun ew tipis. (Exodus 31:18; 32:16). Tipis meininis a fiss ren an emon a atai an Kot kewe annuk. Ina pwata an Kot kewe annuk iir mei fokun “broad” (Psalm 119:96) me “unuseech” (Psalm 19:7). Pwun iei usun wisach aramas meininis.” Ecclesiastes 12:13. Nupwen sia sineni ach tipis, sia mochen kutta ewe anen ngaseno ach we chon amanau . Ina pwata Setan a fokun oput an Kot kewe annuk pwe ra aiti ngeni kich usun ach need Sises non manawach an epwe amanawa me omusano kich.

4. Met Sise mi apwonueta ekew 10 annuk?

John 15:10 Are oua aleasochisi ai kewe allük, oupwe nonom lon ai chen, usun ngang üa - _____ än Semei kewe allük o nonom lon an chen.

NOTE: Sises mi fokun apwonueta an kewe 10 annuk pwe a mochen sipwe aeni pisekin appiru (1 Peter 2:21).

5. Fitemon aramas mi tipis?

Romans 3:23 Pun aramas _____ ra tipis, ra pwal osun lingen Kot.

6. Met niwinin an emon manaweni manawen tipis?

Romans 6:23 Pun liwinin tipis _____ nge än Kot lifang manau esemüch lon Kraist Jesus ach Samol.

NOTE: Ika pwun an Kot kewe annuk mi tongeni ekesiwil, iwe esapw fokun namot an Sises epwe mano won ewe irapenges. Nge pokiten Sises a fen mano won ewe irapenges oh moni niwilil tipis, a pwarata pwe ewe annuk ese tongeni ekesiwil.

7. Ekoch ra apasa pwe ekewe 10 annuk rese chiwen pwan namot ngeni ekewe soulangin non ewe testamen mi foo. Met Sises e apasa faniten ei sokun ekiiek?

Matthew 19:17 Jesus a pölüeni, “Pwota ka aisiniei usun mine a mürina? A chök wor Eman mi mürina. Are ka mochen angei manau esemüch, kopwe _____ ekewe allük.”

John 14:15 “Iwe, are oua _____, oupwe aleasochisi ai kewe allük.

Revelation 22:14 Ra feiöch chokewe mi _____ üfer pwe repwe limöch, pwe epwe wor ar pwüüng ar repwe mongö seni uän ewe irän manau, repwe pwal tolong lon ekewe asamalap o tolong lon ewe telinimw.

Revelation 14:12 lei lomoten än ekewe chon pin likitü, ir chokewe mi _____ än Kot kewe allük o ra allükülük ngeni Jesus.

NOTE: Ewe Minafon Testamen a aiti ngeni kich pwe neun Kot kewe aramas repwe apwonueta an kewe annuk. Kich meininis sia sinei pwe fonufan a turunong non watten osukosuk pokiten

sise chiwen apwonueta an Kot kewe annuk. Paipel a kapas usun kich ikenai oh a apasa, “A tori fansoun, Samol, fansoun angang: Pokiten ra ponuki om kewe annuk.” Psalm 119:126.

8. Mei tufich ngeni kich ach sipwe apwonueta ekewe 10 annuk?

Romans 8:3, 4 Iwe, mine ewe Allük esap tongeni föri pokiten fitukach a apwangapwang, Kot a föri: A ngeni tipis liwinin lon fituken Nöün we, ren an tinato püsin Nöün lon lapalapen aramas usun eman aramas tipis, pwe epwe eu asoren tipis. “Kot a föri ei, pwe pwüngün ewe allük epwe _____, kich mi manau fän nemenien Ngünmifel, nge sap fän nemenien fituk.

Philippians 1:6 Üa fokun lükü, pwe Kot ewe mi popuetä _____ ei angang mi mürina epwe pwal sopwela tori an epwe wesöchüela lon ewe Ränin än Kraist Jesus epwe liwinsefälito.

Philippians 4:13 Meinsin a ki ngeniei ren _____ ewe mi atufichiei.

NOTE: Nupwen emon aramas a uupsefal, Sises kraist a tonong nom non manawan non manamanen ewe Ngünmifel, iwe ina pwata a tufich an epwe wor ekesiwil.

9. Ifan ewe etipeew minen nom? Pwata ese pwonueta?

Deuteronomy 4:13. Iwe, Kot a asile ngenikemi an pwon, ekewe _____, a allük ngenikemi pwe oupwe aleasochisiir. A pwal makeer won rüepok fau mi chöpöp

Hebrews 8:8 Nge lupwen Kot a küna _____ nöün kewe _____, a apasa, “Ewe Samol a apasa: Epwe war ewe fansoun, lupwen üpwe föri eu pwon mi fö ngeni chon Israel me chon Juta.

10. Meni annuk ewe minafon etipe-ew e anongonong won?

Hebrews 8:10 Iwe, iei ewe pwon üpwe föri ngeni ekewe chon Israellon ewe fansoun epwe feito, iei alon ewe Samol: Üpwe _____ ai kewe _____ lon ekiekiir o makkeretiu lon letiper. Iwe, ngang üpwe ar Kot, nge ir repwe nei aramas kana.

NOTE: Ekewe ruu pwon, ruu etipew nefinen Kot me neun kewe aramas. Ewe aewin pwon e apwangapwang pokiten e anongonong won an ekewe aramas mi apwangapwang pwon ngeni Kot.

Exodus 24:7 “Meinsin mine ewe Samol mi Lapalap a apasa aipwe aleasochisi o föri.”

Ewe minafon etipew mi pochokun pokiten Kot a makei non ekiekich me netipach aramas nge a anongonong won an Sises pwon ngeni kich me an manaman.

Hebrews 8:10 Üpwe atolonga ai kewe allük lon ekiekiro makkeretiu lon letiper

Unusen manawen ewe aramas a ekesiwil ina minne an fori netipen Kot a winit ew an pwapwa. Nengeni pwe ewe minafon etipew e anongonong won ewe chok annuk nge a sokono pwe a mak non ekiekich me netipach won an Kot pwon.

11. Nge met mei chiwen namot ach sipwe apwonueta an Kot kewe annuk nge iei sia nom fan ewe chenin Kot ren ach nukunuk?

Romans 6:15 Iwe, nge met chök sipwe apasa? Sipwe föri tipis pokiten sisap chüen nonom fän nemenien allük, nge sia nonom fän nemenien ümömöchün Kot? _____, _____ fokun ina!

Romans 3:31 Ifa usun, wewen pwe ren ei lükülük sipwele pöütala ekewe Allük? Apwi, esap fokun ina, nge sia fen _____ ekewe _____.

NOTE: Meinsin ekewe mi musono tipisir ren Sises ar attai an kewe annuk repwe fen apwonueta an kewe annuk. Iwe pokiten ra mefi an umoumoch ngenir, iwe iir repwene fen pwapwa ar repwe mochen anneasochis me apwonueta an annuk oh tapweno murin Sises.

12. Sipwe aeni manau ese much ren ach apwonueta ekewe annuk?

Ephesians 2:8, 9. Pun ren än Kot we _____ oua küna manau ren ämi _____. Nge ei manau oua eäni esap afisiemi, pwe än Kot lifang ngenikemi, ⁹esap pwal liwinin ämi angang, pwe esap wor eman epwe tongeni aingaing ren.

NOTE: Ese wor emon e manau ren an apwonueta ekewe annuk. meinsin sia manau ren ewe chenin Kot. Nge meinsin aramas mi manau ren ewe chenin Kot repwe mochen aneasochis me apwonueta an Kot kewe annuk pwe ina usun aparen ar kinisou me tongei Kot.

John 14:15 “Iwe, are oua echeniei, oupwe aleasochisi ai kewe allük

13. Met epwe pessei netipen emon an epwe mochen apwonueta an Kot kewe annuk?

Romans 13:10 Are oua echeni eman, ousap fokun föri och föför mi ngau ngeni. Ren ämi _____ aramas oua apwönüetä ekewe Allük meinsin

Matthew 22:37-39 Jesus a pölüeni, “Kopwe echeni ewe Samol om Kot ren unusen _____, ren unusen ngünüm pwal ren unusen ekiekum. ³⁸Iei ewe allük mi lap me aüchea seni meinsin. ³⁹Nge ewe aruuen allük mi fokun aüchea a usun chök ewe aeuin: ‘Kopwe echeni chon arum usun chök püsin om echenuk.’

1 John 5:3 Pun wewen ach _____ Kot pwe sia aleasochisi an kewe allük. Nge an kewe allük resap weires ngenikich,

NOTE: Tong ina met epwe pessei netipach. Aewin kinikinin ekewe annuk ra kapas faniten wisei ngeni Kot. Ika pwe ngang mi tongei Kot iwe ai apownueta ekewe annuk ew pwapwa. Nge ekewe 6 saingonoon kinikinin ekewe annuk, wisei ngeni aramas. Ika uwa wesewen tongei neun Kot aramas iwe usapw mochen fori ekena sokun ai upwe emeteki netiper.

14. Ngang mi tongeni upwe emon chon tapweno murin Sises ika usapw apwonueta ekewe annuk?

1 John 2:3, 4 Are sia _____ än Kot kewe allük, iwe, sia lükü pwe sia silei i. ⁴Iwe, are eman a apasa pwe a silei i, nge esap aleasochisi an kewe allük, ei aramas i eman chon _____, nge ewe let esap nom lon.

15. Mei wor annuk seni ewe Testamenin Noom ese pwan chiwen auchea ngeni soulangin ikenai?

Ephesians 2:15 A amoralä än ekewe chon Juta Allük fiti pwüngün me tichikin, nge a föri seni ekewe ruu sokun mwichen aramas eu chök mwichen aramas mi fö lon püsin i. Ren ei a awora kinamwe.

NOTE: Meinsin ekewe annuk re awenewen ngeni ewe assoren tipis me foforun ewe Souassor, meinsin ra koturuno pokiten ra pwonuta non Sises. (Colossians 2:13-17). A apwonueta pwun ii ewe enletin Lamben Kot.

16. Ion Setan ekon Oput me won fonufan?

Revelation 12:17. Iwe, ewe trakon a fokun lingeringiti ewe _____, a feila seni pwe epwe fiu ngeni lusun mwirimwirin kewe, ir chokewe meinisini mi aleasochisi än Kot kewe _____ o ra allükülük lon ewe let Jesus a pwärätä.

NOTE: Setan a fokun oputungaw an Kot ewe mwichefel non ekewe ranin soponoon, ekewe re apwonueta an Sises kewe annuk me osukuna pwe mi tufich ngeni Kot an epwe ekesiwini emon aramas mi tipis ngeni emon mi fokun nimonimoch.

17. Ikefan ekena amwararen nifang sipwe pwan angei ren ach apwonueta an Kot kewe annuk?

John 15:11 Ngang üa fen ürenikemi usun ekei mettoch, pwe ai pwapwa epwe nom lomi o ämi _____ epwe _____.

Proverbs 29:18 Nge _____ eman aramas mi aleasochisi än Kot kewe allük

Psalms 119:165 Chokewe mi äücheani om allük ra fokun _____. Esap wor och ra tongeni chepetek ren.

NOTE: Pwapwa, chengen me kinamwe me feioch ra feito seni ach aneasochis ngeni an Kot kewe Annuk. Epwe ina pwata David e apasa pwe an Kot kewe annuk ra fokun murino seni kolt. (Psalms 19:10).

Om Finata

Ka mochen pwe nefinom me Sises epwe ew nefin non tong, epwe emwenuk pwe kopwe emon neun mi fokun aneasochis me enukunuk?

ponuwan: _____

Soposoponun masowen kaeo ren ei nessen

Ei kinikin epwe anisi kich ach sipwe weweiti ach ei nessen.

Met mi taitap nefinen Sises me ekewe ekoch masowen non Paipel

. Chomong menein ekewe aramas sia aneani porouser non paipel ra usun chok Sises. Moses, Joseph, David me Solomon, ekkei aramas ekoch fansoun non arkewe fansoun manau won fonufan manawer ika met mi fiss ngenir mi wewe ngeni usun an Sises ewe ministry nupwen an a tori fonufan. Iwe ururun kich aramas sipwe esina Sises pokiten mei chok taitap met mi fiis ngeni ii tori meinisini neun Kot kewe soufoos.

Met mi fiss ngeni Daniel me ewe annuk me ewe pwangen naion ew metoch mi wewe ngeni met mi fiss ngeni Sises. Nengeni pwun ikkei met iir mei taitap fengen won:

- Ekewe chon Medo-Persia ra mochen ar repwe rawa Daniel pwe epwe tou seni wisan kewe non ar ewe mwuu pwe ra fokun nononowoiti pwe ii emon chon nukun nge a fokun arap ngeni ewe king. Daniel 6:3 a apasa, “ Ewe king a seikata Daniel pwe nemenem non unusen an ewe mwuu nge ii chok epwe tekia seni.” Ina chok pwan usun ekewe chon Israel, ra pwan nonowoiti Sises oh ra mochen nieno ii pokiten nefinan ngeni ewe kingen unusen lang me fonufan. (John 5:18-20).

- Ekewe Souemwen non Medo-Persia ra fokun tapwe fetanei Daniel oh ausening ngeni met a apasa oh atona met a fori pwe ika nge e chok fororungaw iwe repwe ereni ewe king.(Daniel 6:4). Ekewe Souemwenin non ewe mwichefel ra usun chok iir. Ra pwan operi fetanei Sises pwe repwe tongeni sinei met repwe aeni otutur fanitan. (Luke 20:19, 20).
- Ekewe chon rawa Daniel rese tongeni kuna mwo och metoch repwe otutur faniten Daniel won.(Daniel 6:5-9). Pwan ina chok usun ren ekewe Souemwenin non mwichefel me sensen annuk, eseor met repwe kuna pwe arr otutur faniten Sises iwe ra moni Judas pwe epwe pwari nenien Sises ngenir. (Luke 22:26). Nge inamo, Pilatus mei pusin afata pwe eseor tipis e kuna ika rong faniten Sises. (John 19:4).
- Murin ar ra oturanong Daniel non ewe pwangen naion, ra piniano ewe asam oh watiw och esisin an ewe muun won pwe esapw wor emon epwe tongeni amokutu.(Daniel 6:16, 17 Pwan ina chok usun Sises. Ra pwan wanong non ew peias mi pwangenong non ewe achau oh ra pwan pineanoi asamen ewe fau oh ra watiw och esisinen ewe mwuu pwe esapw wor emon epwe suki(Matthew 27:58-60, 65, 66).
- /.Daniel me Sises, ese fokun wor tipisir, pwan iir me ruemon ra pwan tou seni ekewe pwang nge iir mei manau rese maa (Daniel 6:23; Mark 16:5, 6).

